

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

— ❦ —

مسکمزہ موافق آثار قبول اولنور.
درج اولنمیان اوراق اعاده اولنماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرآتیه »
مطبعه سیدر.

— ❦ —

استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنچشنبه کونلری نشر اولنور ادبی، فنی و صناعی غزته در ❦

نسخه سی ۱ غروش

بوندن اول بوقدر کوزل بر اثر يازيله مامشدر. فقط تأسف اولورکه ابن باجه نك بواثرى موجود اولديغى کي ابن الرشيد يزجه معلوم اولان مؤلفاتنده بوکا دائر بر بحث يوقدر [۱]. يالکز يهود حکما سندن و اون دردنجى عصر ميلادى رجالنندن (موت زدوناربون) (ابن طفيل) ك (حى ابن يقطان) نامنده کي اثرينه يازديغى شرحده (ابن باجه) نك (کتاب تدبير المتوحد) ينه متعلق بعض معلومات ويرمشدر. (موت زدوناربون) ك فکرينه کوره (ابن باجه) نك تدبير متوحددن مقصدى حال انفرادده ملکات عقليه نك دها زياده تکميل و بونك نتيجه سى اوله رق انسان مشهودات و مکوناتک ماهيته اطلاع کسب ايله دکن صوکره عقل فعال ايله ايتديکندن عبارتدر. ابن باجه اساساً حال تفردى توصيه ايدر کي کورونمز ايسده تأمين وجدان و حضور قلب ايجون بوندن باشقه چاره اولديغى و محاسن و مکارم اخلاقک بوسايده اکتساب ايديله بيله جکنى ادعا و بونى قابليت معاشرت و موازنت حياتيه نك مبدائى اولان توافق حسيات و استدلالک اهم بر شرطى عدايلر.

ابن باجه نك تدبيردن مقصدى بر تدبير خصوصى دکل، معاملات قوميه دن استخراج ايديلن بر قاعده عموميه در. اويله بر قاعده که اطلاق و عموميه دلالتى حسيله هر يرده و هر زمانده قابل تطبيق اوله بيله سى مشروطدر. ابن باجه (تدبير المتوحد) ينه (فصول قليلة فى السياسة المدنية و كيفية المدن و حال المتوحد فيها) نامنده بر شرح يازمش و بواثرنده متوحدک الجاآت سياسيه و مدنيه قارشى وظائف مخصوصه سنى کوسترمشدر. (فصول تضمن القول على اتصال العقل

بالانسان) ده (کتاب تدبير المتوحد) ه يازديغى شرحلردندر.

ابن باجه (المعقولات الهولانية) اثرنده مکوناتدن و هيو لايله صورت آراسنده کي مناسبات ماديه و مغويه دن بحث ايدر. بورا. دده تکميل مؤلفاتنده اولديغى کي (تدبير المتوحد) ده سويله ديکى نظرياتي ايضاح ايلر. فقط (ابن الرشيد) ك ديدکي کي اکثر افاداتي مغلق و مظلدر. بعض مؤلفلر (ابن باجه) نك ادبياتده دخی مهارت مخصوصه سى اولديغى روايت ايدرلر.

ابن باجه ارسطو نك آثارينه يازديغى شرحلردن (قول على بعض المقالات الاخيرة من كتاب الحيوان لارسطو طاليس) کتابنده افعال انسانيه نك اراده تجزيه و تفکر بر نتيجه سى اولديغى و حرکات طوعيه نك سوق طبيعى کي ادراك و تفهمله مترافق اولميان احوالدين عد ايديله ميه جکنى سويلر. ابن باجه نك عمرى وفا ايتمش اولسه يدى حکمتده ابن سينالر ابن الرشيدله تفوق ايده جکنده شبهه ايديله من ايدى. (سهيلى)



تحويلات هوايه و آره ژيسترور بارومترولى

شوصوك زمانلرده تحولات هوايه يى کوسترمك ايجون «بارومتر آره ژيسترور» ناميله پاريسده آلات فيه فابريقه جيلرنندن ريشار برادرلريکي بر بارومتر و ايجاد ايتديلرکه اساسى معدنى بارومترولى کي سکر پارچه معدن لوحه سى ايله بولوحه لره مربوط و بونلرک انبساط و انضغاطنه کوره آشاغى يوقارى متحرک برابرندن و هفته ده بر دفعه محورى اوزرنده صاغدن صوله دوغرو

دور ايدن بر ساعت ماکنه سنى محيط دائرندن عبارتدر. ابره نك اوجنده بولنان بر قلم ساعت دائره سى اوزرينه صاريلان کاغده تماس ايدنجه بالطبع بر خط رسم ايدر. کاغذک اوزرنده هفته نك کونلرى يازمش اولديغى کي يوقايردين اشاغى فواصل متساويه ده چيزلمش خطلر ساعتلره نصف النهار و نصف اليلى، صاغدن صوله رسم ايدلمش خطلرده ميليترولى ارانه ايلر. ساعت ماکنه سنى مربوط اولان دائره منتظماً دور ايتدجه معدنى لوحه لرك ارتفاع و انحطاطنى تعقيب ايدن قلم ده بلافاصله بر خط رسم ايدر. قلمک کاغذ اوزرنده چيزديکى ايکرى بوکرى خط بر هفته ظرفنده کي تضيق نسبينک مقدار و درجاتى کوسترر.

معدنى و جيولى بارومترولى يالکز باقيلديغى زمان تضيق هوانك درجه سنى ارانه ايده بيلير. مثلاً بوکون فلان ساعته ده هوانك نه درجه بر ثقلنى حاز بولنش اولديغى كله جك سنه بيلك ايسته ديکمز حالده بونى شتيدن و بالخاصه بر يره قيد ايتمکله کمز اقتضا ايدر. يکى بارومتر و ايسه بوکي تقيداته لزوم براقيور، بزه يالکز چيزلمش کاغدلرى چيقاروب تاريخ صره سيله دسته له مک زحقي قاليرور. حقيقه شايان استفاده اولان بواصول مقياس حرارت، مقياس رطوبت، مقياس رياح کي دها بر چوق آلاته ده تطبيق ايدلمشدر. شهر مزده بوآلتك هنوز معدنى و جيولى بارومترولى قدر استعمالى تعم ايتمه مشدر.

معلوماتلرکه بارومترولى فورطنه، ياغور، لطيف هوا کي تحولاتدن زياده تضيق نسبي يى کوسترر. بز بومقاله مزده بارومتر و نظرياتندن دکل تحولات هوايه نك بارومترولره صورت استدلالندن بحث ايدمکچکر: حادثات هوايه يى تدقيق ايدن فن جوده بو خصوصه دائر قلمى بر قانون يوقدر. هاله

بویاقین زمانلره کلنجیه قدر فورطنه لر برچوق مشکلات ایله استدلال اولنه بیلکده ایدی. تقویملر مزده ظهور ایده جکی کوسترین فور-طنه لرك برسنه اول نصل اکلاشیله بیلش اولدینغی آکلامق فی الحقیقه بونلره علی العاده اینانق قدر قولای دکدر! صوکره لری باروه ترولر ایله ایدیان تجاربه کوره بر طاقم قانونلر وضع ایدلدی که بونلرده دائماً قابل تطبیق اوله میوردی. بوقانونلرك الك بسیطی فرانسه نك (پوی-دو-دوم) رصدخانه سی منجملرندن (پلوماندون) ك (بارومترونك کوستردیکی درجه تضییق نه قدر اولورسه اولسون دائماً بولوطلرك تعقیب ایتدیکی استقامتک صول طرفنده و بو استقامته همان عمود اولان جهته بر مرکز تضییق بولنجه سی لازم کلیر) قانونیدر. مثلاً بولوطلر غربدن شرقه دوغرو بر استقامت اوزرنده حرکت ایتدکلری حالده مرکز تضییق شماله اوله سی، بولوطلرك حرکتی شمالدن شرقه دوغرو ایسه جنوب شرقیده هوانك تحول ایتمه سی لازمدر. بارومترو حس ایدیلر جک صورته نزل ایدر، بولوطلرك حرکتی ده پک سهریغ اولورسه بوندن تضییقک ده جوق اولدینغه و مرکزینک بولندینغز نقطه یه پک یاقین بولندینغه حکم ایده بیلیر. ابره نك یاواش یاواش تنلی تضییق نسیمینک مسافات بعیده انتشار و سرعت سقوطی ایسه اطرافزه انحصار ایتدیکنی کوسترر. دیگر طرفدن بارومترونك تنلی تضییقک تقریبه، ابره نك صعودی مرکزینک بولندینغز نقطه دن تبا عدینه دلالت ایدر. بارومترو برچوق زمان دوشدکن صوکره براستقامتی کوسترمه سی فورطنه نك زمان ظهورینی بیلدیرر. بونك ده بولوطلرك استقامته عمود اولان خط او-زرنده وصول طرفدن ظهور ایتمه سی لازم کله جکندن بو قدر جق معلومات فورطنه نك نه طرفدن کلدیکنی آکلامغه کافیدر. بارو-

مترونك یوکسله سی تضییق نسیمی آزاله رق هوانك لطافت و سکونت کسب ایتمه سی دیمکدر. تحولات هوانیه نك غیرمنتظم فاصله-لرله ظهور ایتدیکی کونلرده هوا آجیق اولدقجه بارومترو سقوط ایلر. بوتزل زائل اولور اولماز بولوطلر چوغاله رق هوا قاپانیر؛ بو حالده ایکن ابره یوکسلکه باشلار، یاغموورده همان او آنده یاغار. ابره صعودده دوام ایتدکجه هوانك ایکنجی برتنزه قدر آجیق قاله جفی استدلال اولنور.

ابره اوچدن درت میلیمترویه قدر یاواش یاواش نزل ایدر سه تضییق نسیمینک بولندینغز نقطه دن اوزاقلنجه، بردن بره ایکی یاخود اوچ میلیمترو قدر دوشمه سی جوارده بر تحولاک وقوعه اشارتدر. سقوطک درجه سی سکزدن اون میلیمترویه قدر اولدینغی حالده فورطنه ظهورینه حاضر لائمالیدر.

تدریجی و بطی بر نزل فنا هوالرك پک زیاده امتداد ایده جکنی، ابره نك بردن بره یوکسله سی ای هوالرك دوامنی بیلدیرر. فن جووه (بویس بالو) وصفیه معروف بر قانونده واردر که روزکارلرك بر مرکز تضییق اطرافنده اجرا ایتدیکی حرکت محوریه نك عدم تحوله استناد ایله ارضک نصف کره شمالیسنده و خصوصیه دکرلرده استقامت ریاحک و فورطنه مرکز-لرینک اکلاشله سنه خدمت ایدر. بوقانون دیرکه: «آرقه کزی روزکاره چورکز» صول الیکزی ده یوقاری قالدیرکز؛ قولکزک استقامتی فورطنه نك مرکزینی کوسترر. سفاین فورطنه لی هوالرده مرکز تضییقدن تباعد ایتک مجبوریتنده بولندقلرندن (بویس بالو) قانونی بحر یون ایچون پک مهمدر.

فورطنه لرك ظهوری بولوطلرك منظره-لرندن ده آکلاشیله بیلیر: فورطنه نك ظهور-رندن بش آلتی کون و بعضاً اون کون اول سحاده بری برینه موازی براستقامته اوزانان

و طخاف تعبیر اولنان اینجه و بیاض بولوطلر حاصل اولمغه باشلار. بونلر بعضاً اون بیک واون ایکی بیک مترو ارتقا عنده بولنورلر. ده ا صوکره طخافلرك بیاضلغی تزیایدهرک شمسک اطرافنده هاله لر و طخافلردن باشقه بر طاقم بولوطلر ده ا پیدا اولور که بونلره دجنه تعبیر اولنور. بونلر چوغالوب افقره دوغرو امتداد ایتدکجه هوا مغمو-لاشیر؛ اکثر یا یاغموورلردن اول اولدینغی کبی اطرافی خفیف بر قاراکلق استیلا ایدر. تضییق نسیمی آزالدقجه بارومترو یوکسلیر، بولوطلر اطرافه داغیلیر، ده ا صوکره هوا بتون بتون کشایش پذیر اولور. تحولات هوانیه قیشری بطی، یاز موسملرنده سریعدر. فورطنه لر بعضاً یالکز بر موقعک اوزرنده دولاشیر، بعضاده بر خیلی مسافیه قدر امتداد ایدر. استانبولده هوا ایلک و صولک بهارلرده و تشرین ثانی و کانون اولده بر دوزی یه تحول ایدر سه بحر محیط اطلاسی ده، مانش دکرنده، ژاپونیا نك بعض موقعلرنده، ایتالیا نك جنوب جهتلرنده، اوستریا، آفریقا و آمریقا نك اکثر نقاطنده قیش موسملرنده وقوعه کلن دهشتلی فورطنه لرك بوراده ظهوری پک نادردر.

رصدخانه عامر ده طوتیلان تحولات هوانیه جدوللرینه کوره شهر مزده بر سنه ظرفنده وسطی اوله رق یالکز اون بش دفعه فورطنه ظهور ایتکده در.

— ❦ —